


Alkitab Anggen Anak Alit



Manusa
Api



Kasurat olih: Edward Hughes

Kaperagayang olih: Lazarus
Alastair Paterson

Ka tempa saking: E. Frischbutter

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya


Kakaryanin olih: Bible for Children
www.M1914.org

©2023 Bible for Children, Inc.


Perarem: Ida dane dados nerjemahang utawi nyalin carita puniki,
nanging nenten dados ke adol.



Sing ade ane ngenah luwung buin di Israel. Dane sang prabu lan sang ratu dursila ring Ida Sang Hyang Widi. Nah ento sube dadi contoh ane jelek. Lantas makejang anake mamurug ring Ida Sang Hyang Widi, tur mebakti lan nyungsung widi ane palsu. Apake ade anak ane subakti ring Ida Sang Hyang Widi?



Hore, nu masi ade makudang-kudang anak anak mebakti ring Ida Sang Hyang Widi, yadiastu tusing je liu pesan. Sedekang dine anu Ida Sang Hyang Widi masabda ring salah sinunggalin anake ento, adane Elia.



Pangandikan dane Elia ring raja
Ahab ane pari solehna jaat, “Ring
Ayun Ida Sang Hyang sane
nyeneng, ane sungsung tiang,
titiang nguningayang ring l
ratu mungging nenten
jaga wenten damuh
wiadin sabeh sajeroning
kalih miwah tigang taun sane
pacang rawuh, sajawaning
titiang sane nunas.” Nah
ene artine lakar ade masan
sayah! Ida Sang Hyang
Widi tusing je ngledangin
yening para kaulan



Idane setate
melaksana jaat.






Sesubane dane
Elia mepekeling
ring rajane, Ida
Sang Hyang Widi
ngutus dane ke
tongose ane sepi

pesan. Ditu, di sisin tukade, dane Elia ngantosang. Ida Sang Hyang Widi ngutus kedis guak apange ngabang Elia ajeng-ajengan. Kedis guake ento ngabe roti lan be, sabilang semeng lan di dinane nyorean. Dane tuah minum yeh ane ade ditukade.



Mekelo-kelo
tukade ento
tuh sing misi
yeh, uli krane
tusing taen
buin ade ujan
di gumine.



Sabdan Ida

Sang Hyang Widi sube mebukti. Dije-dije gumine tuh latuh.
Jagung ane ketanem tusing ade ane mentik. Makejang anake
ngerasayang sayah. Miriban dane Elia ngaden unduke ento
lakar niben dewekne, uli krane yeh tukade sube nyat.



Pangandikan Ida Sang Hyang Widi ring dane Elia, “Siage je, kemo ke Sarfat ane masuk wewengkon Sidone, tur nengil je ditu. Apange kite nawang, Ulun sube mrentahang anak balu adiri ane lakar ngemang kite ajeng-ajengan.”



Sakewale carane ene
dadi care ane tawah buat
ngemang dane ajengan.
Saking manah ane alap
asor dane Elia ninutin
sabdan Ida Sang Hyang
Widi ento. Rikale dane
neked di Sarfat, anak istri
ane balu ento sedengan
ade di gerbang kotane,

sedeng munduhang saang.




“Tegarang baang tiang ngidih abedik yeh minum ane ade dijone,” Pengidih dane Elia tekenin anak istri ane balu ento. “Baang je masi tiang ngidih roti a gompes.” Pesaur anak istri ane balune ento: “Titiang tuah ngelah tepung agembel pesan ane ade ditongosne, keto masi tuah ade abedik lengis ane ade di pucunge.”




Sedih pesan atin anak istri ento, tur mabaos ring dane sang nabi, sujatine yen makejang ajeng-ajengan sube telah tiang lan pianak tiang sinah sube lakar mati.



“Edeje jejuh, gaenang tiang malu roti bunter ane cenik, lantass mare ngae roti buat semeton lan pianak semetone.” “Tepung di tempayan ento tusing lakar telah tur lengis ane ade dipucunge masi tusing lakar telah-telah, nganti Ida Sang Hyang Widi Wasa nedunang ujan ke gumine.” Ida Sang Hyang Widi Wasa lakar ngadakang mujsat. Anak istri ento ngelaksanayang pengidih dane Elia! Anak istri lan pianaknyane nyidaang terus medaar. Tepung ane ade di tempayane tusing telah-telah tur lengise ane ade di pucunge masi tusing telah.



Dane Elia ditu nengil bareng-baren ajake anak istri lan pianakne ento. Sedekan dine anu, pianak anak istri ane balu ento mati, ane ngranayang atine sedih pesan. Dane Elia ngosong anak cerik ane



mati ento, tur abane kekamar. Dane mapinas ring Ida Sang Hyang Widi, atur danene buke kene, “Duh Ratu, Widin titiange, titiang nunas idupang je anak cerik ane mati puniki.” Pengestawan ane tusing masuk akal pesan!



Ida Sang Hyang Widi mirengan pinunas dane Elia tur angkihan anak ento bebalik buin di awakne, ane ngranayang ia buin idup. Rikala dane Elia nyerahang anak cerik ento tekenin memen nyane, lantas


anak istri ento ngomong kene, “Ane jani tiang percaya, sujatine sabdan Ida Sang Hyang Widi sane dartayang jerone puniki ane patut.”




Buin telung tibane, Ida Sang Hyang Widi buin ngutus dane nabi
Elia apange dane ketemu sang prabu lan Ida mesabda buke kene,
“Ulun lakar nuunang ujan duur gumine.”



Kemoje ketemu tekenin raja Ahab. Izebel permai surin dane raja Ahab sube ngematiang satus diri kaulan Ulune. Dane nabi Elia tusing je buin matur ring Ida Sang Hyang Widi, dane lantasi ketemu ring raja Ahab.



Dugas dane Elia ketemu ring raja
Ahab, nabi Elia nantangin raja Ahab
apange munduhang makejang
wong Israele, keto masi para
nabi palsu ane liune 850 diri.
Di tongos ane madan
Gunung Karmel, dane Elia
ngomong kene tekenin
makejang anak ane ada
ditu. “Yening Ida ento
Sang Hyang Widi,
iringang je Ida.”



Dane Elia nyiapang lembu muani dadue ane lakar aturange ring Ida Sang Hyang Widi, sakewala ditu tusing ade api ane lakar anggone nunjel. “Nah ane jani jeritin je widin semetone keto masi tiang lakar mapinas ring penambahan tiange.” Pangandikan dane Elia. “Nah widi ane lakar ngisinin pinunas semetone lakar nyinahang nganggo api, Ida ento sujatine Sang Hyang Widi!” “Beneh san buke keto,” keto pesaut makejang anak ane ade ditu.



Uli semengan nganti petenge pare nabi palsune jerit-jerit,
nyeritin widin nyane. Ia mejingrag-jingrag sambilange ngigel tur
nues-nues awakne aji tiuk belati nganti bek pesu getih, sakewala
tusing ngenah ade api ane teke.





Lantas dane Elia melusin saange lan lembune ane anggone aturan aji yeh nganti belus lepegan, saha ngastawa. “Duh Ratu, di dinane ene mangadene makejang pada uning, wantah palungguh I Ratu kewanten sane dados Widi ring tengah-tengahin bangsa Israele ...” Lantas api saking Ida Sang Hyang ane tuwun. Nunjel lembune ane muani ento lan saang kayune, keto masi batu ane anggone dadi altar.



Dugase makejang anake nyaksiang paundukane ento, anake liu ento lantas mesuryak “Ida Sang Hyang Widi Wasa ento sujatine ane meraga Widi ane sujati!” Ditu lantas dane Elia ngomong kene, “Juk je makejang nabi-nabi Baale ento, edo nganti ade ane luput!” Dane Elia ngelaksanayang ape ane biase kelaksanayang raja Ahab

makudang-kudang tiban ane

sube lewat.

Makejang

nabi-

nabi

palsune

ento kematiang.



Lantas kaulan Ida Sang
Hyang Widi ento ngomong kene
tekenin raja Ahab, ane jani pasti
lakar ade ujan. Sesubane dane Elia
ngomong keto lantas saget jeg ade
gulem ngenah di langite. Apeke ujan
lakar ulung? Sesubane telung tiban
mekelone

tusing ade
ujan?





Tusing perlu ngantosan mekelo, jeg langite peteng dedet, uli krane ade gulem lan angin, lantastuwun ujan bales pesan. Ida Sang Hyang Widi ane nuwunang ujan. Ida Sang Hyang Widi nyinahang tekening anake makejang, buat muktiang pangandikan dane Elia tusing je mogbog. Ida Sang Hyang Widi sube nyinahang, Ida punika seken-seken dadi Widi ane sujati.



Apake iraga ngelah mepineh raja Ahab lakar nyungsung Widin dane Elia kaulan Idane? Sujatine tusing je keto! Sejatine, Izebel malahan ngelah keneh lakar ngematiang dane Elia, ditu lantane dane Elia ngungsi nyelametang dewek. Pemuputne Ahab mati dipeyudan, tur para parekan nyane nuludan Izebel uli temboke istanane ane tegeh pesan. Izebel mati uli krane ulung di batune.





Kenken keadaan dane Elia?
Sedekan dine anu jeg teke krete
geni kekedeng baan jaran geni:
dane Elia mengues menek
kelangite, ke suargan.



Manusa Api

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

1 Pararatu 17 – 19, 2 Pararatu 2

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

